

教育部編印


戰後新中國

沈尹默署書

民國三十五年十月印刷
民國三十五年十月發行

戰後新中國

精裝本第0638號



編印者 教育部

發行人 顧樹森
中華書局股份有限公司代表

印刷者 上海澳門路四六九號
中華書局永寧印刷廠

發行處 各埠中華書局

(133111)

敬以此書紀念

蔣主席六十壽誕

叙言

周雖舊邦其命惟新
遼哉斯語不啻為戰後新中國之註釋
中國以悠久之國家經八年抗戰由於領袖之賢明人民之堅忍將士之用命終獲最後勝利此一勝利意義非常

重大對吾中國則解除百年來帝國主義所加於吾人之一切桎梏從此努力現代國家之建設無復任何障礙為吾民族創一新興之前途對全人類則合力消除日本軍閥撲滅納粹渠魁吾人深信任何人不能否認中國方面之慘遭犧

牲与夫重大貢獻實隱為全世界肇開
一嶄新之局面生當斯時斯世今無
不受有新的刺激與抱有新的希望
故勝利結果給予吾人者惟此可寶
貴珍重之新生命而已

吾人犧牲無數萬生命耗費無數億

金錢流血百戰所僅獲來之此一新生命
其代價何等重大宜如何珍惜利用
進而奠世界永久和平之基石以造福
今後億萬世生民子孫庶無慚於地
下之忠魂然而勝利迄今忽半餘吾
人腦中所存留此一新生命之印象究

又何如國際大勢陰霾重々國內政情
戎馬未息於是國際間一般人士鑒於
舉世紛攘荆棘塞途一變前者之刺
激與希望對於此次勝利成果表示
懷疑尤以身經八年抗戰深受長期
犧牲痛苦之中國同胞面臨目前不

安情勢對於新中國之建立由於此種懷疑頗有移其自信而漸趨失望者

然人類之前途必能相見以誠互相諒解共趨和平康樂之大道此絕無可疑者也吾人認為目前一部分國人之不免於消極失望者蓋由於未曾遠

瞻吾國之前途缺乏對於國家全盤之
認識故不能形成一建設新中國之堅
強意志然則如何可使國人對國家
有全盤之認識惟有羅列具體事
實撮要供給於國人之前一展此冊
瞭然於中國有如此廣袤之幅員適

宜之氣候仇健之民族衆多之人口與
夫豐富之農作寶藏之鑛產四達之
交通待興之工業以及燦爛榮譽之
教育文化規模闊遠之政治國防當
不難增加建設新中國之信心至於
各種事實之缺陷何在亦不諱言蓋

滌舊更新否玄泰來事理之常茲揚
固有之優點補救過去之缺陷以建立
新風氣則新中國之進展將日新
月異永無止境是仍在吾人有堅強
之意志努力以求之耳是為序

民國三十五年十月一日朱家驊序於教育部

總說

悠長的歷史賜
予中國之優點

戰後新中國

中國爲世界最古之國。並求爲世界最新之國。如斷自黃帝肇興。迄今已約五千餘年。如斷自堯舜在位。迄今仍約四千餘年。如斷自殷世甲骨。迄今亦約三千餘年。較諸現代各國歷史。均爲古也。然世界古國如巴比倫。如猶太。如羅馬。今皆衰亡。一蹶不振。中國自強不息。歷久猶存。雖過去進步遲緩。終望與時俱新。今且與友邦共持正義之旗。過問天下之事。則猶壯也。數千年之悠長歷史所賜予中國者爲幅員之廣袤。人口之衆多。因而蘊藏尙屬豐富。民族則極龐大。文化含錯雜統一之妙。政治兼演進驟新之功。反而言之。正因乎幅員原非過狹。人員原非過寡。民族係出多元。文化早已發軔。始能有此因果相尋。互爲影響。同時。卽因在此悠長之歷史中。寶藏未盡開發。農業猶居要位。科學之精神不足。民主之習尙不強。遂感其進步之緩。有待於今後之新矣。

中國求新之道

新之道安在。建設三民主義的新中國。建設和平統一自由平等的新中國。乃其鵠的。努力完成。國父建國大綱實業計劃各種指示。並積極實現。主席在中國之命運中所示之建國五項目標。乃其綱領。至於最急之條目。綜合國策及時論而觀。則亦有四。經濟建設工業化。以培養國力。並提高人民生活水準也。農礦生產機械化。以增強產量。並與工業化有所適應也。政治組織民主化。以健全社會。並滿足人類自由需要也。文教目標科學化。以濬疏民智。並與歐美各國爭進步也。至於發揚固有文化而與他族文化交流。企求世界大同而與他國密切合作。原係中華民族傳統的美德。今後日新又新。自無待言。

新中國之肇始
與誕生

追溯新中國之肇始。在國父領導國民革命之際。已開其端。但必至抗戰而始望及。於戰後而始誕生者。因障礙重重。逐步清除。於破壞中求建設。於枷鎖下爭自由。費力至鉅。需時亦久。初冒重大之犧牲推翻滿清。但軍閥之勢力猶存。繼經深長之艱苦打倒軍閥。乃日閥之仇忌益深。日閥抱征服世界之野心。以征服中國爲

其先。自九一八以後。威逼利誘無所不用其極。終於發動侵略戰事。妄想鯨吞中國。中國之革命建國程序因而受阻。惟有團結全國力量。從事抗戰。然如無此一戰。新中國是否即可誕生。似尙難操肯定之言。蓋過去滿清失政。袁氏盜國。列強之不平。等條約對中國層層束縛。馴致社會紊亂。民心衰頹。縱欲迅速建國。其效亦非顯著。仍須待以時日而澄清之。是故中國雖不幸而與侵略國爲鄰。致遇不可避免之戰。但亦幸而有此生死存亡所繫之戰。國運復興。建設可期。中國以一次殖民地地位之貧弱國勢。遇強敵而不自餒。竭力求之於己。樹哀兵。建義師。首摧侵略之醜。謀制燎原之火。先於歐洲各國抵抗納粹之戰者兩年。先於同盟國家抵抗軸心之戰者四年。歐亞軸心國家之不能聯合作戰。厚其兵力。此功應歸於中國之首先抗戰。使日本百萬大軍陷於泥淖。無由自拔。得道者多助。同仇者協力。中國不特對侵略國收取最後勝利。且贏得世界信譽。而皆寄以重望。五十年之強鄰威脅由此解除。一世紀之條約束縛由此消滅。滄雪過去之奇恥。展開今後的新生。此實千載一時之

機會。自應把握勿失。則革命建國之使命必能如願實現。同時。戰後新中國之前途亦必照耀寰宇而可觀。

雖然。戰爭結束不過期年。對日和會尙未舉行。國際情勢既有待於開展。國內局面仍須加以努力。戰後新中國之成績未能卽有顯著表現。供吾人之描寫。成爲光明燦爛之一頁。誠爲事實。莫可諱言。然而中國在人地時各方面既具種種特殊優點。文化思想亦能適應今後人類所需。在在可望發揚利用以新中國。且因各種優越條件之存在。致有接受新時代要求之資格。並因各種缺陷事端之認識。遂有容納新社會理想之雅量。存其善者而發揚利用之。去其不善者而改絃更張之。新而再新。將無止境。況阻撓新中國建設之重大障礙已除。並向革命建國之最後階段。開始邁進。現時雖尙有枝節問題橫前。莫能卽達建設之途。然對於新中國之成長。固無傷也。吾人對中國戰後新中國之觀察。除表示極端興奮寄以展望外。既不

必作宣傳之資。亦不必爲膚廓之論。惟有就具體事實作一檢討。俾知應發揚之優

戰後中國之必
應新必能新

地理位置

中國有廣袤之
幅員

點何在。應補救之缺陷何存。蓋知古所以論今。論今所以測來。明其源。悉其要。窺現在。望將來。亦係觀察之一法也。明乎此。則知中國之必應新。必能新。以世界最古之國。求其為世界最新之國。理所必然。勢所必至者也。

述本文旨趣。既竟。請以地理位置為始。

× × × × × × × ×

中國處於亞洲東南部之位置。有廣袤之幅員。全部雖未經精確測量。但根據約略之估計。全國面積為一〇・〇二三・四一九方公里。約當全球陸地面積十分之一。亞洲面積四分之一。大於澳洲而與歐洲全洲相若。在世界各國之中。其如中國領土整齊聯屬。自成一局面者。僅有蘇聯及美國。稱中國為地大。可當之而無愧。此廣袤幅員之形成。固由於歷史悠長。經由秦漢唐元明清累世開拓所致。然堯典有暘谷南交。昧谷幽都之四至。禹貢並分國土為九州。而以東海流沙朔南為界。所有幅員。已不減於今之半數。縱堯舜之時。甚至在春秋以前。非即全部實際領